



Broj: 02-04-1545/22-AP-3  
Datum: 17.05.2022. godine

GRADSKO VIJEĆE ZAVIDOVIĆI  
n/r PREDSDJEDAVAJUĆOJ GRADSKOG VIJEĆA  
mr. iur. Erna Merdić Smailhodžić

PREDMET: Odgovori na vijećnička pitanja sa 1. sjednice Gradskog  
vijeća Zavidovići održane 29.04.2022. godine, dostavljaju se

Povodom vijećničkih pitanja postavljenih na 1. sjednici Općinskog vijeća Zavidovići  
održanoj 29.04.2022. godine, dostavljamo odgovore na iste kako slijedi:

## 1. VIJEĆNIČKA PITANJA VIJEĆNIKA HODŽIĆ HARISA

Prvo vijećničko pitanje: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne gradske službe da nam dostave informaciju kada građani naseljenog mjesta Uljići mogu očekivati sanaciju klizišta na lokalnoj cesti i uspostavljanju saobraćaja na ovoj dionici puta?

Direktno pitanje:

Tražim od nadležne gradske službe da nam dostavi hronološki pregled neophodnih radova na saniranju klizišta na lokalnoj cesti Uljički put uz dostavu informacije o dužini trajanja svake neophodne akcije i radnje u procesu sanacije, te u konačnici i period kada bi u konačnici trebao biti uspostavljen saobraćaj na ovoj dionici puta.

Odgovor na ovo pitanje treba da sadrži svaku pojedinačnu akciju uključujući i raspisivanja tendera i izbor izvođača (navesti period trajanja ovih radnji).

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj gradskoj službi.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): S obzirom na ozbiljnost posla, prije izvođenja radova na sanaciji klizišta, neophodno je izvršiti geološko ispitivanje tla i izraditi Projektno-tehničku dokumentaciju za sanaciju klizišta.

Grad Zavidovići je pokrenuo postupak „Javne nabavke usluga - Izrada elaborata o inženjersko-geološkim i geomehaničkim karakteristikama tla na lokaciji klizišta u ulici „Uljički put“ dana 31.03.2022. godine.

Zbog hitnosti postupka i karaktera radova, Ugovorni organ je pokrenuo postupak Javne nabavke usluga putem direktnog sporazuma, pri čemu je zahtjev za dostavu ponuda upućen na adrese tri ponuđača.

Na dostavljene pozive za dostavu ponuda, nije se odazvao niti jedan ponuđač, tako da je poništen postupak donošenjem Odluke, broj: 02-11-1258/22-AP-7 od 19.04.2022. godine.

Rok za dostavu ponuda u ovom postupku je bio 8 dana.

Grad Zavidovići je pokrenuo ponovni postupak „Javne nabavke usluga - Izrada elaborata o inženjersko-geološkim i geomehaničkim karakteristikama tla i izrada glavnog projekta sanacije na lokaciji klizišta u ulici „Uljički put“ dana 26.04.2022. godine, putem konkurentskog zahtjeva za dostavu ponuda, objavljivanjem Obavještenja o javnoj nabavci, broj: 1374-7-2-83-3-48/22.

Rok za dostavu ponuda je, prema objavljenom Obavještenju, bio 10.05.2022. godine do 12:00 sati.

Do krajnjeg roka dostavljeno je šest ponuda.

Komisija za javne nabavke izvršila je otvaranje pristiglih ponuda u zakazanom terminu, potom sačinila Zapisnik o pregledu i ocjeni ponuda, kojim je konstatovala da je pet ponuda prihvatljivo, a nakon toga je zakazala e-aukciju dana 16.05.2022. godine.

Nakon provedene e-aukcije, Ugovorni organ je donio Odluku o prihvatanju najpovoljnije ponude, dana 18.05.2022. godine.

Na dostavljenu Odluku, ponuđači imaju pravo izjaviti žalbu, u roku od pet dana od dana prijema iste. U slučaju žalbe, rok za zaključenje Ugovora se produžava za još trideset dana (rok za rješavanje po žalbi u Uredu za rješavanje žalbi).

Pravosnažnost Odluke je petnaest dana od dana obavještenja ponuđačima o izboru najpovoljnije ponude.

Nakon pravosnažnosti Odluke, Ugovorni organ zaključuje Ugovor o izvođenju predmetne usluge sa odabranim ponuđačem.

Rok za izradu elaborata o inženjersko-geološkim i geomehaničkim karakteristikama tla i izradu glavnog projekta sanacije na lokaciji klizišta u ulici „Uljički put“ je trideset kalendarskih dana od dana potpisivanja.

Elaboratom i glavnim projektom će biti definisani neophodni radovi, a shodno tome i dinamika izvođenja samih radova.

Četvrto vijećničko pitanje: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od načelnika i nadležne službe da nam dostavi informaciju da li je se Općina Zavidovići prijavila na Javni poziv Vlade ZE-DO kantona za dodjelu sredstava poticaja namijenjenih subvencioniranju troškova organizacije i izgradnje poslovnih zona u ukupnom iznosu od 1.031.000 KM?

Direktno pitanje:

Tražim od nadležne službe i načelnika da nam dostavi izvještaj o prijavi na gore navedeni Javni poziv Vlade ZE-DO kantona. Da li je se općina Zavidovići prijavila na isti? Ako da, zašto aplikacija za javni poziv nije bila uredna i ko je odgovoran za isto?

I ukoliko se općina Zavidovići nije prijavila na navedeni javni poziv, dostaviti obrazloženje zašto nije i ko je odgovoran za propuštenu priliku sticanja bespovratnih sredstava u iznosu do 150.000,00 KM i da li će snositi sankcije?

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnoj općinskoj službi i načelniku.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Grad Zavidovići je okončao proces izgradnje infrastrukture u industrijskoj zoni Ekonomija - Batvice za koju je posjedovao projektno-tehničku dokumentaciju rađenu na osnovu važećeg Regulacionog plana. Za proširenje ove industrijske zone neophodno je da nadležna gradska služba pokrene proces izmjene i dopune regulacionog plana, a nakon čega bi se dalje radila projektno-tehnička dokumentacija putem koje bi bila moguća dalja izgradnja i na osnovu koje bi se donijela Odluka o uspostavljanju industrijske zone na parcelama proširenja, a što su neophodni preduslovi da bi Služba za upravu privrede, lokalni razvoj, infrastrukturu i međunarodnu saradnju mogla aplicirati na javni poziv.

Takođe, za uspostavljanje novih zona neophodno je da nadležna gradska služba pokrene proces izrade regulacionih planova, a nakon čega bi se dalje radila projektno-tehnička dokumentacija putem koje bi bila moguća dalja izgradnja i na osnovu koje bi se donijela Odluka o uspostavljanju industrijskih zona.

Peto vijećničko pitanje: Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od nadležne službe da nam dostavi informacije i podatke o prosječnoj dužini trajanja sjednice Općinskog vijeća Zavidovići?

Direktno pitanje:

Tražim od nadležne službe da nam dostavi podatke o prosječnoj dužini trajanja sjednice tokom 2018, 2019, 2020, 2021 i za period 2022 godine (prosjeak za dio održanih sjednica).

Odgovor na ovo pitanje treba da sadrži sljedeće informacije: godina, broj održanih sjednica i prosjeak dužine trajanja sjednice tokom godine.

Od nadležnih zahtijevam jasne odgovore u pisanoj formi.

Vijećničko pitanje upućuje se nadležnim općinskim službama.

Odgovor na vijećničko pitanje (Odgovor je sačinjen na osnovu akta Stručne službe Gradskog vijeća, broj: 01-04-1538/22-AP-2 od 23.05.2022. godine): Podaci o prosječnoj dužini trajanja sjednice Općinskog vijeća Zavidovići tokom 2018., 2019., 2020., 2021. i za period 2022. godine (prosjeak za dio održanih sjednica).

2018. godina: broj održanih sjednica – 13. redovnih sjednica, prosjeak trajanja sjednice tokom godine - 4 sata i 51 minuta.

Broj sjed.	Datum i vrijeme
1/16.	31.01.2018. godine (16.00 – 20.48) Ukupno 4 sata i 48 minuta
2/17.	20.02.2018. godine (16.00 – 20.48) Ukupno 4 sata i 48 minuta
3/18.	28.02.2018.godine (16.00 – 19.05) Ukupno 3 sata i 5 minuta
4/19.	28.03.2018. godine (16.00 – 20.23) Ukupno 4 sata i 23 minuta
5/20.	05.04.2018.godine (16.00 – 21.50) Ukupno 5 sati i 50 minuta
6/21.	30.04.2018. godine (16.00 – 21.40) Ukupno 5 sati i 40 minuta
7/22.	30.05.2018.godine (16.00 – 19.25) Ukupno 3 sata i 25 minuta
8/23.	28.06.2018. godine (16.00 – 22.10) Ukupno 6 sati i 10 minuta
9/24.	30.07.2018. godine (16.00 – 22.10) Ukupno 6 sati i 10 minuta
10/25.	27.09.2018. godine (16.00 – 18.30)

	Ukupno 2 sata i 30 minuta
11/26.	30.10.2018. godine (18.00 – 23.42) Ukupno 5 sati i 42 minuta
12/27.	06.12.2018. godine (16.00 – 20.08) Ukupno 4 sata i 8 minuta
13/28.	28.12.2018. godine (14.00 – 18.20) Ukupno 4 sata i 20 minuta

2019. godina: broj održanih sjednica – 13. redovnih sjednica, prosjek trajanja sjednice tokom godine - 5 sati i 11 minuta.

Broj sjed.	Datum i vrijeme
1./29.	31.01.2019.(16.00-20.04) (ukupno: 4sata i 4 minute)
2./30.	27.02.2019. (16.00-22.15) (ukupno: 6sata i 15 minute)
3./31.	27.03.2019. (16.00-23.30) ukupno: 7sata i 30 minute)
4./32.	30.04.2019. (11.00-18.45) ukupno: 7sata i 45 minute)
5./33t	08.05.2019.(16.00-17.12) ukupno: 1sata i 12 minute)
6./34.	20.05.2019. (16.00-17.52) ukupno: 1sata i 52 minute)
7./35.	29.05.2019.(14.00-18.20) ukupno: 4sata i 20 minute)
8./36.	26.06.2019.(14.00-21.23) ukupno: 7sata i 23 minute)
9/37.	31.07.2019.(14.00-20.35) ukupno: 4sata i 35 minute)
10/37.	30.09.2019.(16.00-00.10) ukupno: 9sata i 10 minute)
11/38.	31.10.2019.(16.00-21.19) ukupno: 5sata i 19 minute)
12/40.	04.12.2019.(16.00-21.50) ukupno: 5sata i 50 minute)
13/41. tematska	04.12.2019.(16.00-19.15) ukupno: 3sata i 15 minute)
14/42.	30.12.2019.(14.00-19.20) ukupno: 5sata i 20 minute)

2020. godina: broj održanih sjednica – 8. redovnih sjednica, prosjek trajanja sjednice tokom godine - 4 sata i 29 minuta.

Broj sjed.	Datum i vrijeme
1/43.	30.01.2020. godine (16.00 – 18.30) Ukupno 1 sata i 30 minuta
2/44.	20.02.2018. godine (16.00 – 19.15) Ukupno 3 sata i 5 minuta
3/45. vanredna	15.05.2020.godine (16.00 – 17.10) Ukupno 3 sata i 5 minuta
4/46.	21.05.2020. godine (16.00 – 17.46) Ukupno 1 sata i 46 minuta
5/47.	17.06.2020.godine (16.00 – 20.25) Ukupno 4 sati i 25 minuta
6/48.	30.06.2020. godine (16.00 – 22.22) Ukupno 7 sati i 22 minuta
7/49.	29.07.2020.godine (16.00 – 22.50) Ukupno 7 sata i 50 minuta
8/50.	30.09.2020. godine (16.00 – 18.30) Ukupno 3 sati i 30 minuta

2021. godina: broj održanih sjednica – 11. redovnih sjednica, prosjek trajanja sjednice tokom godine - 6 sati i 28 minuta.

Broj sjed.	Datum i vrijeme
1/1.	26.02.2021.god. (od 17,30 do 23,20 sati)( 5,50)
2/2.	26.02.2021. god (od 17,30 do 00,05) (6,35)
3/3.	11.05.2021. godine, (od 13,00 do 18,30) (5,30)
4/4.	27.05.2021. godine (od 10,00 do 22,15) (12,15)
5/5.	31.05.2021. godine, (od 10,00 do 14,55) (4,55)
6/6.	30.06.2021. godine (od 14,00 do 19,50) (5,50)
7/7.	7) 30.07.2021. godine (od 14,30 do 22,10) (7,50)
8/8.	26.08.2021. godine (nije održana zbog nedostatka kvoruma)
9/9.	21.09.2021. godine (od 13,00 do 17,05) (4,05)
10/10.	29.10.2021. godine (od 14,00 do 17,15) (3,05)
11/11.	30.11.2021. godine (od 14,00 do 18,40) (4,40)
12/12.	29.12.2021. godine (od 10,00 do 16,35) (6,35)

2022. godina: broj održanih sjednica – 3. redovne sjednica Općinskog vijeća Zavidovići i 1. sjednica Gradskog vijeća Zavidovići, prosjek trajanja sjednice tokom 4 (četiri) održane sjednice - 7 sati i 40 minuta.

Broj sjed.	Datum i vrijeme
1/13.	31.01.2022god. (od 13,00 do 20,50 sati)( 7,50)
2/14.	28.02.2022. god (od 14,00 do 20,50) (6,50)
3/15.	31.03.2022. godine, (od 13,00 do 21,15) (8,15)
4/1.	29.04.2021. godine (od 11,00 do 18,45) (07,45)

## 2. VIJEĆNIČKO PITANJE VIJEĆNIKA FEHRIĆ ŠEMSE

Vijećničko pitanje: U skladu sa članom 89. Poslovnika o radu OV Zavidovići, postavljam vijećničko pitanje: „Koliko sredstava je dodijeljeno pojedinačno po mjesnim zajednicama u period od 2016-2021, pojedinačno za svaku godinu ovog perioda?“

Obrazloženje:

Odgovor na ovo pitanje predstaviti tabelarno po godinama utroška sredstava. Podatke u izvještaju treba razdvojiti na sredstva kapitalnih projekata i „ostala sredstva“.

Odgovor na vijećničko pitanje (Odgovor je sačinjen na osnovu akta Službe za upravu društvenih djelatnosti, pitanja boraca i opću upravu, broj: 04-45-14/22-AP-154 od 19.05.2022. godine): Služba za upravu društvenih djelatnosti, pitanja boraca i opću upravu svake godine priprema Odluku o raspodjeli sredstava za redovan rad mjesnih zajednica za tekuću godinu. Odlukom o finansiranju redovnog rada mjesnih zajednica utvrđuje se ukupna visina sredstava u budžetu Grada za rad i funkcionisanje mjesnih zajednica, kriteriji za podjelu tih sredstava na mjesne zajednice, način i uvjeti korištenja sredstava za redovan rad mjesnih zajednica. Iz raspoređenih sredstava finansira se redovan rad, aktivnosti, posebne finansijske obaveze i infrastrukturni projekti mjesnih zajednica. Troškovi redovnog rada su: troškovi komunalnih usluga, električne energije, telekomunikacijske usluge, kancelarijski materijal, održavanje

prostorija, troškovi održavanja sjednica savjeta i administrativne usluge savjetu mjesnih zajednica. Od odobrenih sredstava svake tranše, za redovan rad može se utrošiti do 50 % doznačenih sredstava. Ostala sredstva se moraju, na osnovu plana aktivnosti i posebnih Odluka savjeta ili zbora građana, opredijeliti za aktivnosti od interesa za građane i infrastrukturne projekte samostalno ili kao učešće u projektima Općine za tu mjesnu zajednicu.

Sredstva iz navedene Odluke raspoređuju se mjesnim zajednicama primjenjujući sve ili neke od sljedećih kriterija, zavisno od visine sredstava planiranih u budžetu za rad mjesnih zajednica:

- prema broju stanovnika iz evidencije MUP-a Odsjeka za administraciju Zavidovići,
- linearno,
- po udaljenosti sjedišta mjesne zajednice glavnim putnim pravcima od administrativno-upravnog sjedišta Općine.

Sredstva za redovan rad mjesnih zajednica utvrđena za period 2016.-2021. godina:

- za 2016. godinu utvrđena su sredstva u ukupnom iznosu od 100.000,00 KM (30.000,00 KM linearno i 70.000,00 KM po broju stanovnika),
- za 2017. godinu utvrđena su sredstva u ukupnom iznosu od 100.000,00 KM (30.000,00 KM linearno i 70.000,00 KM po broju stanovnika),
- za 2018. godinu utvrđena su sredstva u ukupnom iznosu od 100.000,00 KM (30.000,00 KM po udaljenosti od grada i 70.000,00 KM po broju stanovnika)
- za 2019. godinu utvrđena su sredstva u ukupnom iznosu od 100.000,00 KM (10.000,00 KM po udaljenosti od grada i 90.000,00 KM po broju stanovnika),
- za 2020. godinu utvrđena su sredstva u ukupnom iznosu od 100.000,00 KM (100 % po broju stanovnika),
- za 2021. godinu utvrđena su sredstva u ukupnom iznosu od 60.000,00 KM (24.000,00 KM linearno, 30.000,00 KM po broju stanovnika i 6.000,00 KM po udaljenosti).

Tabelarni prikaz raspodjele novčanih sredstava za redovan rad, pojedinačno za svaku mjesnu zajednicu za period 2016. - 2021. godine

RB	MJESNA ZAJEDNICA	2016.	2017.	2018.	2019.	2020.	2021.
1.	ASIM ČAMDŽIĆ	9.489,41	9.489,41	9.383,00	12.047,00	13.400,00	5.170,06
2.	KLEK	11.010,57	11.010,57	8.192,23	10.519,10	11.700,00	4.658,56
3.	BRANIOCI GRADA	8.655,93	8.655,93	6.189,57	7.949,10	8.840,00	3.798,31
4.	DUBRAVICA	3.328,18	3.328,18	3.507,72	4.153,00	4.480,00	2.560,96
5.	DOLINA - ALIĆI	3.578,52	3.578,52	3.052,01	3.097,20	3.120,00	2.251,41
6.	PAŠIN KONAK	6.941,87	6.941,87	7.401,29	7.736,00	7.920,00	3.892,06
7.	MEĆEVIĆI	3.721,36	3.721,36	3.039,79	3.316,60	3.460,00	2.302,56
8.	VOZUĆA	4.896,47	4.896,47	6.599,88	5.412,10	4.820,00	3.234,86
9.							

	RIBNICA	3.448,93	3.448,93	5.458,00	3.359,00	2.310,00	2.601,61
10.	MAOČA	2.144,24	2.144,24	5.368,95	2.301,50	760,00	2.336,26
11.	RUJNICA	5.176,26	5.176,26	4.539,60	4.417,50	4.360,00	2.748,16
12.	KOVAČI	8.496,89	8.496,89	8.789,36	10.458,00	11.320,00	4.715,91
13.	BREZIK	4.520,96	4.520,96	3.680,57	3.432,50	3.310,00	2.407,11
14.	KRIVAJA - SMAILBAŠIĆI	2.852,54	2.852,54	2.952,48	1.792,20	1.210,00	1.924,16
15.	GOSTOVIĆ	6.547,22	6.547,22	6.867,02	7.638,50	8.040,00	3.804,81
16.	DONJI GOSTOVIĆ	3.409,17	3.409,17	2.552,65	2.694,00	2.760,00	2.093,81
17.	LOVNICA	3.597,66	3.597,66	3.490,26	3.601,50	3.570,00	2.411,21
18.	MAHOJE	2.080,92	2.080,92	2.919,30	1.633,60	980,00	1.881,46
19.	DOLAC	1.673,02	1.673,02	1.222,20	631,70	330,00	1.436,96
20.	STIPOVIĆI	2.338,62	2.338,62	1.948,53	1.681,60	1.540,00	1.776,81
21.	KRIVAJA	2.091,26	2.091,26	2.854,59	2.129,00	1.770,00	1.992,96
	<b>U K U P N O</b>	<b>100.000,0</b>	<b>100.000,0</b>	<b>100.000,0</b>	<b>100.000,0</b>	<b>100.000,0</b>	<b>60.000,0</b>
		<b>0</b>	<b>0</b>	<b>0</b>	<b>0</b>	<b>0</b>	<b>0</b>

Programom utroška sredstava planiranih u Budžetu općine Zavidovići za 2020. i 2021. godinu Službe za upravljanje društvenih djelatnosti i opću upravu predviđen je i Tekući transfer za sufinansiranje izrade projekata i realizacije projekata sanacije ili izgradnje društvene infrastrukture u MZ (domovi, uredi) i za nabavku opreme, koji nije bio ranijih godina. Sredstva sa transfera se realizuju na osnovu akata Općinskog načelnika prema obrazloženim zahtjevima Mjesnih zajednica vodeći brigu o opravdanosti zahtjeva, prioritetima, učešću MZ i raspoloživim sredstvima.

Visina ovog Transfera u 2020. godini bila je 15.000,00 KM.

- MZ „Dolina - Alići“ podnijela je zahtjev za novčana sredstva na ime sufinansiranja troškova nabavke građevinskog materijala i sanacije poda u Omladinskom domu u MZ „Dolina - Alići“. Zaključkom Općinskog načelnika broj: 02-11-732/20-AP-2 od 24.02.2020. godine odobrena su sredstva MZ „Dolina - Alići“ u iznosu od 1.000,00 KM.
- MZ „Dolina - Alići“ podnijela je zahtjev za novčana sredstva na ime sufinansiranja troškova nabavke građevinskog materijala i priključak na kanalizacionu mrežu u Omladinskom domu u MZ „Dolina - Alići“. Zaključkom Općinskog načelnika broj: 04-11-3362/20-AP-2 od 25.12.2020. godine odobrena su sredstva MZ „Dolina - Alići“ u iznosu od 700,00 KM.
- MZ „Mećevići“ podnijela je zahtjev za novčana sredstva na ime troškova sanacije električnih instalacija i rasvjetnih tijela u objektu društvenog domu u MZ „Mećevići“. Zaključkom Općinskog načelnika broj: 04-11-2759/20-AP-2 od 02.10.2020. godine odobrena su sredstva MZ „Mećevići“ u iznosu od 300,00 KM.

Visina ovog Transfera u 2021. godini bila je 5.000,00 KM.

- MZ „Kovači“ podnijela je zahtjev za novčana sredstva na ime sufinansiranja troškova krečenja i farbanja stolarije prostorija društvenog doma u MZ „Kovači“. Zaključkom Općinskog načelnika broj: 04-11-2293/21-AP-2 od 13.09.2021. godine odobrena su sredstva MZ „Kovači“ u iznosu od 436,00 KM.

### 3. VIJEĆNIČKA PITANJA VIJEĆNIKA AVDIČEVIĆ AMERA

Prvo vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: Iz kojeg razloga Info centar u zgradi Općine Zavidovići još nije u funkciji?

Izdvojena su sredstva, projekat realizovan, međutim ovaj Info centar još nije na usluzi našim građanima, iako bi bio od velike važnosti.

Odgovor na vijećničko pitanje (Odgovor je sačinjen od strane Stručne službe gradonačelnika): U toku je opremanje prostorija Biznis servis centra u prizemlju zgrade organa uprave Grada Zavidovića, te će se u toku maja i juna izvršiti njegovo postepeno puštanje u rad, a zbog činjenice da isti nije završen u potpunosti prema projektnoj dokumentaciji. Naime, u sklopu projekta izgradnje Biznis servis centra potrebno je izvesti radove na izgradnji prostora koji će povezivati šalter salu i inof pult i koji će služiti kao prostor u kome će stranke čekati red da budu primljene na odgovarajući šalter. Ujedno bi ovaj prostor bi zaštitio radnike u šalter sali od direktne izloženosti vanjskoj temperaturi radi zaštite njihovog zdravlja. Izgradnja ovog prostora je druga faza izgradnje prostora Biznis servis centra, te se nije mogla izvoditi paralelno sa prvom fazom radova jer Regulacioni plan „Centar I“ Zavidovići to nije dozvoljavao. Posljednim izmjenama i dopunama Regulacionog plana „Centar I“ Zavidovići stvorene su pretpostavke da se izgradi navedeni prostor i da Biznis servis centar bude korišten u punom kapacitetu kako je i projektovan. Također je potrebno uraditi određene zahvate kako bi se poboljšao prilaz zgradi organa uprave Grada Zavidovići za vrijeme padavina i zaštitili radnici u šalter sali od strujanje zraka koji bi uticao na njihovo zdravlje. Dovođenje šalter sale se očekuje u 2022. godini.

Treće vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: Da li se u skorije vrijeme planira sanirati Ulica 15. Septembar?

Nedavno je urađeno stepenište upravo u ovoj Ulici, što je za svaku pohvalu i zaista olakšava svakodnevne aktivnosti građana nastanjenih u ovoj Ulici. Međutim zaista bi bilo potrebno krenuti u proceduru sanacije kompletne Ulice iz razloga što ipak nosi naziv po Danu naše Općine i time ima jednu simboličku težinu.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Do kraja mjeseca maja planirano je raspisivanje tendera za Sanaciju dijela ulice 15. septembar u iznosu od 100.000,00 KM.

Četvrto vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: U kojoj fazi je realizacija projekta sanacije Ulice Radnička?



Ranije sam podnosio Inicijativu za navedenu sanaciju, međutim dobio sam odgovor nadležne službe da se čekaju povoljni vremenski uvjeti. Moram vas napomenuti da su već davno ispunjeni svi vremenski uvjeti za izvođenje građevinskih radova, te je nepoznato iz kojih se razloga navedeno odlaže?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Zbog poremećaja cijena na tržištu izvođač radova je tražio povećanje ugovorenih cijena, što ugovorni organ nije mogao prihvatiti radi zakonskih prepreka, te se duže vrijeme pregovorima sa izvođačem radova nastojalo ishoditi najbolje rješenje za Grad Zavidovići. Nakon posljednjeg sastanka dogovoreno je da izvođač odustane od zahtjeva za povećanjem cijena i eventualnog raskida ugovora te da se pristupi izvršenju ugovora. Izvršenje ugovora očekujemo u narednih 30 dana.

Peto vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: Kada mještani MZ Donji Gostović, mjesto Marušići mogu očekivati priključak na gradski vodovod?

Naime po ranije rađenom projektu, gradska voda je dovedena do mjesta Paravci, dok su mještani Marušića ostali uskraćeni. I ovo ljeto će se najvjerovatnije naći u problemima nestašice vode.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Grad Zavidovići je putem Programa utroška sredstava vodnih naknada Zeničko-dobojskog kantona za 2022. godinu obezbijedio sredstva za završetak projekta „Proširenje sistema vodosnabdijevanja naselja Paravci, Marušići i Fojnica“, a okončanje istog planirano je do kraja tekuće godine.

Šesto vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7-2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: Zbog čega Općina Zavidovići nije aplicirala na Javni poziv Vlade ZDK za dodjelu sredstava poticaja namijenjenih subvencioniranju troškova organizacije i izgradnje poslovnih zona u ukupnom iznosu od 1.031.000 KM?

U ovako nepogodnim vremenima, zaista je nedopustivo da se ove stvari dešavaju. Navedeno je da svaka Općina koja je aplicirala dobila je najmanje 150.000 KM. Zašto smo propustili tako važan iznos, za tako važnu namjenu?

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Grad Zavidovići je okončao proces izgradnje infrastrukture u industrijskoj zoni Ekonomija - Batvice za koju je posjedovao projektno-tehničku dokumentaciju rađenu na osnovu važećeg Regulacionog plana. Za proširenje ove industrijske zone neophodno je da nadležna gradska služba pokrene proces izmjene i dopune regulacionog plana, a nakon čega bi se dalje radila projektno-tehnička dokumentacija putem koje bi bila moguća dalja izgradnja i na osnovu koje bi se donijela Odluka o uspostavljanju industrijske zone na parcelama proširenja, a što su neophodni preduslovi da bi Služba za upravu privrede, lokalni razvoj, infrastrukturu i međunarodnu saradnju mogla aplicirati na javni poziv.

Takođe, za uspostavljanje novih zona neophodno je da nadležna gradska služba pokrene proces izrade regulacionih planova, a nakon čega bi se dalje radila projektno-tehnička dokumentacija putem koje bi bila moguća dalja izgradnja i na osnovu koje bi se donijela Odluka o uspostavljanju industrijskih zona.

Sedmo vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj:7/2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: U kojoj je fazi realizacije projekat ugradnje video-nadzora u užem gradskom području? Učestala krivična djela na području našeg grada, zabrinjavaju naše građane i s toga su potrebne informacije o tome, kada možemo očekivati završetak radova na ovom projektu. Razlog postavljanja pitanja jeste to što nekoliko godina unazad izdvajamo sredstva u budžetu za ovu namjenu, a projekat još nije završen.

Odgovor na vijećničko pitanje (Odgovor je sačinjen od strane Stručne službe gradonačelnika): U toku su aktivnosti na izdavanju potrebnih odobrenja za izgradnju gradskog videonadzora. U proteklom periodu je izrađena projektna dokumentacija na nivou glavnog projekta i pribavljena revzija istog. Za ovu namjenu planirana su sredstva u iznosu do 25.000,00 KM na godišnjem nivu koja nisu dovoljna ni za izgradnju prve faze ovog projekta. Naime, prema projektnoj dokumentaciji predračunska vrijednost ovog projekta iznosi oko 386.712,49 KM, dok vrijednost prve faze iznosi oko 81.698,55 KM. U cilju pribavljanja potrebnih sredstva za realizaciju prve faze ovog Projekta, Gradonačelnik se obratio Ministarstvu za unutrašnje poslove Zeničko-dobojskog kantona sa zahtjevom za njihovim učešćem u finansiranju projekta od kojeg se očekuje odgovor. Također prema informacijama na tržištu cijene roba i radova koje bi trebalo ugovoriti na ovom projektu su značajno porasle zbog ukupne situacije u svijetu.

Osmo vijećničko pitanje: Na osnovu člana 87. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014-prečišćen tekst, 9/14, 8/18 i 8/19) upućujem vijećničko pitanje nadležnoj općinskoj službi.

Vijećničko pitanje: Iz kojeg razloga još nisu ucrtana sva taxi stajališta, na koja su naši taksi prijevoznici Rješeljima ostvarili pravo u ovoj godini?

Važno je napomenuti, da se ocrtava određena horizontalna signalizacija u užem gradskom području, čija je hitnost dosta manja u odnosu na taksi stajališta, iz razloga što su isti već uplatili naknadu za korištenje taksi stajališta.

Odgovor na vijećničko pitanje (Odgovor je sačinjen na osnovu akta Službe za upravu privrede, lokalni razvoj, infrastrukturu i međunarodnu saradnju, broj: 03-45-10-112/22 od 18.05.2022. godine): Od svih predviđenih taksistajališta u gradskom području ostalo je još jedno stajalište koje nije bilo obilježeno horizontalnom signalizacijom. Isto će se obilježiti u narednih desetak dana, dok će se ostala stajališta zanoviti u toku redovnog održavanja gradskih ulica.

U vezi drugog dijela odgovora na vijećnička pitanja broj: 01-04-1538/22-AP-2 od 23.05.2022. godine, za koji nije tražen odgovor, obavještavam vas da je Gradonačelnik upoznat sa citiranim odredbama i da je nepotrebno da me o tome posebno upoznate. Nesporno je da Gradonačelnik treba dostaviti stav po podnesenoj inicijativi, ali samo po inicijativi koja ispunjava propisane uslove iz člana 171a. stav (7) Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014,08/2014, 9/2014, 8/2018, 8/2019, 4/2021 i 4/2022) i po kojoj će se Gradsko vijeće Zavidovići izjašnjavati. Po inicijativama koje ne ispunjavaju propisane uslove nije potrebno ni pribavljati stav

Gradonačelnika niti ih upućivati drugim subjektima na koje se inicijative odnose. Niti Gradonačelnik, niti su gradske službe nadležne i ovlaštene da donesu odluku koja inicijativa ispunjava a koja ne ispunjava propisane uslove i o kojoj će se Gradsko vijeće Zavidovići izjašnjavati. Odluku o ovom pitanju može donijeti Kolegij Gradskog vijeća Zavidovići ili eventualno Komisija za Statut i propise Gradskog vijeća Zavidovići zajedno sa Stručnom službom Gradskog vijeća Zavidovići, a na osnovu sadržaja same inicijative.

Prema Vašem stavu, praktično bi značilo da se svaka podnesena inicijativa dostavlja Gradonačelniku radi davanja mišljenja po istoj i koju bi obrađivala nadležna služba u svrhu pripreme mišljenja Gradonačelnika. Nakon dostavljanja mišljenja Gradonačelnika inicijative koje ne budu ispunjavale propisane uslove iz člana propisane u članu 171a. stav (7) Poslovnika o radu Općinskog vijeća Zavidovići neće se upućivati Gradskom vijeću Zavidovići na izjašnjenje. Dakle, u ovakvim slučajevima poslovi koji bi se provodili na pripremi mišljenja Gradonačelnika bi bili nepotrebni. Ovakvo postupanje je protivno Poslovniku o radu Općinskog vijeća Zavidovići, neracionalno i neekonomično i predstavlja nepotrebno trošenje ljudskih, materijalnih i finansijskih resursa Grada Zavidovići, te je potrebno sa takvim postupanjem prestati.

Zbog toga Gradonačelnik neće dostavljati mišljenje po inicijativama podnesenim na 1. sjednici Gradskog vijeća Zavidovići dok se ne dostavi podatak koje inicijative ispunjavaju uslove propisane u članu 171a. stav (7) Poslovnika o radu Općinskog vijeća Zavidovići i po kojim će se Gradsko vijeće Zavidovići izjašnjavati, kako bi Gradonačelnik dostavio mišljenje samo po inicijativam koje ispunjavaju propisane uslove.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

Obradio: \_\_\_\_\_  
(Nermin Čahtarević)